

田間詩集卷第二十一

客隱集 自乙卯至丙辰

乙卯春將入中州過浮山哭無公墓

荒墳無路少人行宿草三年淚始傾
漸媿一乘輸老友

淒涼六闕盡平生

余哭公有詞六調

報親空有還山夢

浮山搆報親菴

將返傷隴聊存繞膝情

公墳即在母立人墓側

時事正勞身遠死九

原可用更逃名

清明後一日往拜宗伯墓途中有詩

尚書墓上草漸堆為趁清明叱
寒來一帶桃花紅似錦

春風吹雜紙錢灰

回首平生好客情把杯拈韻坐常盈
梁園散後鄒枚去頭白相如哭幾聲

祭埽紛紛向墓田也澆杯酒醉黃泉
泉臺可識風光好正是平生暢飲天

文采風流世所師論心自笑有情癡
卽今閨閣承恩者哭向墳頭知不知

心血都爲唱和枯病中相戒興全孤
九原此事無人禁聽我高吟技癢無

自合肥至懷遠連日陰雨泥濘驢背雜述自遣
江北蕭條客路孤雨餘瀼滑倍崎嶇
窅淡沒膝埋長耳

雲間詞客滿京都公子才華絕世無
乞句筵前佳麗集
求書門外吏人趨
投懷散給皆爲錦
擲地爭看并是珠
心血富饒應愛惜
似余耗却老全枯

金門射策有家傳
賣賦長安亦偶然
謝客偷閒春雨裏
溫經得力夜燈前
交游已盛難辭酒
文字雖工不值錢
堂上老親今七十
稱觴須待錦衣旋

贈陳緯雲

一春高會帝城頻
密坐論心爾最親
席上應酬駢句好
花前贈答小詞新
興逢得意先判醉
情到傾囊不顧貧
却憶阿翁交滿世
名成端藉後來人

方虎苦貧詩以慰之

茗溪才子玉堂賓擁戶蕭條風雪晨我自病餘真覺老
君從第後轉憂貧質衣莫漫邀尊酒減米惟應散僕人
近日國門稱貸絕脫簪遠寄恃孀親

酬徐公肅司成

君家兄弟交情古前輩風流今尚存庭館慣留高士榻
生徒矜出大賢門邀歡徹夜神逾王折節窮儒道益尊
幾度登筵頻值雨銜杯堅坐聽狂言

頭白名壇未見遺每逢開閣亦追隨微言妙解詆諸裏
雅量爭雄半醉時序坐自傷衰老僭論心先荷今兄知

麥滿平時水滿渠過淮天氣眼初舒山城晚飯炊紅光
津市時鮮買白魚高柳圍邊聞犬吠短橋通處有人居
由來此地塘蓮盛一道花開十里餘

宿州

過淮一日雨纔收早見孤城是宿州幾處輪蹄交路轉
誰家花樹隔牆浮店留客熟漣初返餉累官賠死未休
州官以饋餉賠死近以兵衝裁漢吏關東強項可紆憂
果父子盡死

入永城界示家孺胎

淮南陰雨苦經旬地入中州眼乍新千里陸沈初得路
四郊青合始知春軍興不擾綠均稅吏道無多祇便民

宇下即今愁令去政成難得繼君人

麥色棠陰到縣門騎驢客亦舊王孫先公按籍分宗派

大令同行序第曷政事豈由名父教風流終是故家存

虞山出處關吾道一字千秋細討論

時屬為宗伯墓誌銘

去歲曾經此路回江村風鶴客心催自憐入境問絃過

誰擬通家贈策來

莫伯通促過此

任怨始思釐積弊矢廉方得

竭長才故人有約應難誤好把衙齋一夜杯

時赴學使者約

出永城往歸德道上

縣門西出指睢陽草店煙村路未荒過市里訛蕭相邑

都陽鎮傳為蕭何封邑非也

守祠僧奉太丘香

有陳太丘長嗣松楸遠近墳

當道采麥高低地有岡處處危樓相望起朦朧謾謾是
帆檣

宿歸德

歸德自來形勝地閭閻風物已全荒官渠草沒悲隋帝
廢苑鴉啼弔孝王堤護四門增壁壘水環千頃作池隍
怪他張許能堅守海外金湯算此鄉

自宋入汴驢上作

薰風卷絮逐征鞍油菜花齊過雨殘長耳苦遲隨路換
短裘嫌重柰晨寒人逢北客回車讓婦有南妝駐馬看
奇語江鄉休遠慮中州此日正平安

梁園暢好是春遊一路閒吟遣客愁市口有逢思下馬
墓門無責任拋牛騎驥小婦裙衫鏡侍燕嬰童悅墓頭
莫笑中原粧太古看來亦自有風流

加鞭獨往候前程却怪僮奴嬾趁行村店每逢開集鬧
人民多是換朝生兩行綠蔭交頭覆萬頃青郊一掌平
柳色層層看不見黃塵遮却大梁城

入梁喜晤然石邵村卽和然石聞飲光至枕上

漫成原韻

客路孤吟盡一春入梁何意遇交親尊前遣騎情殊切
邵村聞余至枕上詩成喜是真南國淒涼餘二子東京
卽時遣送

憑弔有三人青衫漫染蒼梧淚眼際烽塵已又新

同韓子新葉元禮遊鐵塔寺

染園攬勝徧荒丘古寺歸存借馬遊塔始出沙僧巧護

碑將刻字客央留

寺有五烈婦祠碑記李屹岍撰
曾正刻削得一新至後止重堅信陵

廟付兵人鎖烈女祠容將帥羞

祠中設總戎長生位我眺浮圖窓

一面難舒雙眼望神州

拜信陵祠

垂白飄零迥自悲遊梁特拜信陵祠侯嬴計就身難返

朱亥功成事亦危

詞列兩言本主下馬客揮千載淚開門雨爛

一樹詩歸生有願司香火應是前身國士知

同邵村然石子新登吹臺

宋門東出指繁臺詞客相邀竝馬來
樹裏長河懸濁浪城邊古道起黃埃
千尋埤堦煙中失萬里川原掌上開
歎息五賢祠廟廢卽今誰繼李何才

日落荒臺足嘯歌天涯流滯幾人過
鄒枚客重從遊盛高李情親痛飲多
宋主石移歸白屋周王宮沒問黃河
登臨忽灑千秋淚雙鬢風塵奈我何

同邵村然石集孟陟公香草堂

東華門外地言是舊王園卜宅耽幽趣
誅茅蓋小軒窓虛閒作字客到薄開尊
日暮臨階酌蕭然負郭村

臭味聯吳楚中川此一家城隅斜過馬墻下亂鳴蛙
小黃梁酒既香白水茶彭郎多逸興早散爲歸衙

家左車邀同邵村然石登汴故宮後山

大地平沈剩此山中原無事且同攀
是榷帝子浮何往花石君臣去不還
萬井塵昏疎樹裏半城麥秀夕陽間
醉餘老眼收雙淚看取興亡只等閒

前題又和然石二首

寒家城闕草蒙籠開上荒臺獨倚筇
良岳有宮述舊址離壇無路問遺蹤
圖書每記宣和歲御筆惟存寶月峰
石名上趙祚已隨新法盡漫將花石怨徽宗

桐封最數周藩盛詞藻風流憶憲王道院碧因殘殿瓦
鎖闌紅倚舊宮牆今為試院河邊氣色龍關紫樓上塵埃映
日黃料是掘餘無寶玉居人每夜見輝光

初度日家左車邀同邵村然石陟公集寓中然

石有詩二首并述往事輒和原韻

汗漫平生老未休兩逢初度在中州江邊虛鎖陶潛宅
客裏同吟王粲樓才盡久無花入夢與黍其奈雪盈頭
天涯兄弟相酬酢三十年來此一遊

梧江聯河繫滄波此日劉郎約並過

同恭昆仲置酒

漢代衣冠

朝士集臺鄉倡和黨人多

謂特丘道隱輩

舟前戶聚煙中蛋海

崑山浮雨後蝶忽翻舊詩疑夢裏

然石舊句尚存見示

不禁回首

二高歌

示家左車

怪汝接家早去鄉萍蹤乍聚轉心傷
瞻雲無路趨南岳賣藥權時奉北堂
吾道久應爲俗棄此身只合借醫藏
如何賓客猶盈座把酒頻妨大阮狂

再同然石偕令弟宇上殿材登汴故宮後山次

宇上韻

漫許追陪嬰鏢戟重遊倍使客心哀
數幣不毀臺千尺雙闕猶存土一堆
輦道級高騎馬上禁城牆退走羊來

謝家兄弟詩難和吟向荒丘淚滿杯

開州道上作寄孫贖東

畿南地劇古開州有客衝塵訪舊遊
道暘思君風滿袖天炎怪我雪盈頭
把鉏婦健畦當午上集人驚麥有秋
民物自安官不擾征途早見吏才優

南宮胡次潛明府述其守城擒賊事

南宮近號衝繁地北道爭傳大令名
市擾所需惟吏治時危難得是民情
談兵豈有兵爲用靖亂先于亂未萌
草竊災鄰憂不細折衝誰信出儒生

墜馬臥疾南宮枕上口占五首

空矜矍鑠據鞍雄一蹶魂飛死喪同骨折可憐遊興盡
身衰況是客途窮二千里外家難到六十年來事未終
傳語兒孫各努力馬牛休恃白頭翁

平生躁動老難馴誰擬繩牀臥五旬斗室氣蒸推夏過
紙窗風透識秋新轉身半夜央僮僕餉馬經時媿園人
歸去江村長閉戶餘生那得更憂貧

檐戶喧卑膝僅容長廊散步久無蹤草方儘教醫家試
藥酒時煩老友供覓句可能還跨蹇尋山卽恐罷扶筇
江邊小閣梯危甚虛憶憑闌望遠峰

天遣支離佚老狂敢思矜傲尚如常故人早贈扶衰杖

道侶惟裁養血方。但數歸期增憤歎。况逢秋候倍淒涼。
家人盼久休。與怪不是遨遊戀異鄉。

我來荒園未全耕。豆架瓜棚候已盈。厭聽敲磬過暮鼓。
愁于枕上數更聲。居停久占貧僧舍。餐飯難忘地主情。
莫歎歸裝太蕭索。殘軀今已是重生。

沈木門移尊就別述懷

高詒亦何限。嗟余此再生。移尊排客悶。就榻話離情。細
雨宵街溼。新廳旅寺清。臨岐最蕭瑟。况是病中行。
行李淹三月。空傷一足歸。交情逆旅見。古道宦途稀。客
病容高枕。官閒數叩扉。行藏同失意。吾道豈全非。

過沙河承劉杜三明府移尊就榻話舊感賦

去歲曾經此路過故人遺訊踰沙河鳴鞭使識交情重
駐馬俄霑客淚多吾道是非同坎壈先朝耆舊漸消磨
卽今頭白相逢日筋骨摧殘奈我何

閩山古驛小橋邊回首分攜三十年命薄總無分出處
身衰又復見烽煙高車顧客留城外永夜論心就榻前
吾屢不妨歸閉戶憐君隻影倍淒然

到邯鄲臥疾旅舍書懷呈楊欽四明府

邯鄲古道漲黃埃誰擬衰殘臥疾來挾瑟無情邀趙女
扶筇何計上瓊臺軍興未覺居民擾驛困惟資長吏才

爲語幕中請戚友，衙齋虛憶共銜杯。

孟陞公索題小影

香草堂中老逸民，詩篇筆墨晚逾新。
幅巾小影都題滿，何處容添跛道人。

發大梁留別友人

游人久臥大梁城，晨夕過存老友情。
榻畔逢迎忘禮法，尊前傾倒見平生。
他鄉最苦逢秋別，晚節還嗟抱病行。
已約明春江口過，射蛟臺下問柴荆。

舟過西華雨中蒙羽裳明府見顧臥疾小舟不

獲接晤述懷奉寄

羽裳本吾家今爲岑姓宗註甚篤

曲曲清淮繞縣斜。鳴琴大令是吾家。分流終戀同源水。
換樹還憐一本花。病裏繫舟惟伏枕。雨中枉駕久停車。
岸高漣滑無由接。遙向篷窗盼髻華。

乙卯除夕

層層兒女聚燈前。守歲江村細雨天。碩果彫殘餘幾在。
寒灰死盡待重然。形骸已廢無奢望。消息徒聞想妄傳。
留取老夫雙眼在。踟躕扶杖入新年。

丙辰元旦試筆

新年謝客罷逢迎。策杖惟從閣上行。臥疾可能開歲健。
爲農早見立春晴。山鄉木起纔通糴。汎地沙淤免過兵。

喜聽鄰翁相慶語占風決定有西成

開園同丁爰立賞牡丹口占

淡開一朵出芳叢小飲招攜二老翁莫謂白頭羞對汝
衰顏醉後一般紅

題陳官儀舫閣

絕壁倚茅亭通山戶不扃水高平檻白峰近隔江青謀
食管三寸養親酒一餅小樓時得句孤詠動君聽

信步

信步黃華巷同尋治曼舟

妓舟泊港內

風驅霜葉散溪懸水

花浮飄泊傷紅粉留連笑白頭平生不盡興還逐少年

遊

方周卜後山高館新成

構廬何必遠所喜出塵埃小市人煙伏高齋眼界開地
因山脚讓籬儘月光來吾老閒無事扶筇日幾回

陳氏竹林邀飲閒園看雪

入冬今年冷喜見雪初飛寺凍鼓聲壓山昏市氣微談
淡忘老病酒勇失寒威共許相扶穩毋妨盡量歸

四友詩

方竹人求盡惟存五尺藤

余園中同竹杖一束拋來曾
即以贈人偶到此耳

不省覓得止堪憑衰疾真相恃登臨恐未能可憐銘數

字猶出住山僧

杖有雪雲
老僧題句

五十眼初昏相需過此生怪他添障礙轉與助光明

難免兒童訝徒傷老大情餘年著述事賴爾替余成

眼鏡

傳來方自釀早暮只三杯到手愁顏破逢場笑口開且

圖忘歲月未必濟形骸攜赴人家飲無勞問市醅

藥酒

老去書重校非君夜坐難熏開冰硯凍驅却雪窗寒擁

几將冬過挑燈任漏殘平生席不煖還賴足蹣跚

脚爐

雪中念旅石老僧

雪中何所念念此住山僧樹折能無壓崖危且莫崩爐

寒煨芋火窗暗誦經燈料是炊煙絕吾家送光曾

寒夜圍爐

未黑上闌早驚心歲又殘
擁爐談欲倦烘被寢先安也
覺一家煖淡憐四野寒
昨宵纔乍冷已有死河干

輓陳朗生處士

傲世寧如意藏書已倦看
鑿開山讓屋除得酒忘餐不
自知年邁真能耐歲寒
甘貧八十載臨歿倍艱難

田間詩集卷第二十一

田間詩集卷第二十二

客隱集

自丁巳至己未

至吳門曾青藜爲余假館半塘僧室却贈

半塘橋側老僧家許借閒軒傍水涯
庭蔭久荒知閉戶海棠不護自開花
禪心未許交情冷客粵都因妄想
華但得蒲團容膝坐笙歌一任隔牆譁

林天友署中晤陳靜機話舊有作

曾聚芝山談往事銜杯夜雨共悲歌
酒酣握手高懷見坐久忘言道氣多
鬢髮白隨年次進家鄉亂在客中過
知君入署無來往其柰長洲山水何

諫草樓

姜勉中早在為先人如農給諫素題

先朝直節已千秋二諫同時本不謀

同時有熊魚山世稱熊姜二諫

杖祇知臣職盡荷戈真賴 聖恩優生栖吳苑人誰問

死葬宣城

公戊所

事始休疏草未焚中有淚時聞夜雨泣

樓頭

半塘僧六初度

半塘官路寺偏幽寓客爭賢老比丘住院祇同吳市隱

生年惟記漢時秋牀連溪碧清無夢坐對山青白滿頭

初度漫嗟花甲過芒屨還擬十洲遊

秋夜到涉園有懷魏子存

魏塘秋淺，初斜客到，無須主在家門徑。欲忘隨豎轉，
園亭不就，逐年加樹，欺院小通交蔭。鷄趁軒虛一放花，
別後知君高興減，持齋禮佛亦生涯。

又作西軒幾日留，梧桐依舊別時秋。蟲移上砌尋人語，
魚出翻荷向客浮。但使持經原得悟，也知奉佛本無求。
交遊未謝僧徒集，竊恐塵勞未許休。

又題壁上 一首

諷子存爲
僧所誑

早歲皈心似，以因晚年偏。是見僧嗔俗，儒講學爭疑。僞
開士談空豈，盡真功德原。啻有爲法檀，那祇勸在家人。
佛法檀波羅，舍身利物終無幾。多少交親望此身。

密蓋自舍也

過震澤口號紀哀

忠臣烈婦沉尸地望見津梁早斷腸
老友情知催權過

恐經遺蹟益悲傷

徐方虎命舟人速去不得停泊

遺蹟經過看不得恰逢急雨閉篷窗
當時市井誰相念

記得還金潘小江

比託居停買置殮具大半科分獨小江見還

也是秋淡八月天五更冒雨此堤邊
相隨泣血呱呱子

慘死家園又十年

難餘去住與誰謀夢裏還勞死者憂

見夢亡妻勸令速去 增寺寄

奴重被殺至今一婢八都留

難後留一值寺中兵再至被殺僧棄之於水僅存小

婢寄入都沈君

佐家至今未還

吳門紀遇諸公各以本姓為韻

余自若溪至
用家取少韻

旅館開尊亦偶然一時倡和早流傳
荆高慷慨寧資酒程李勳名不值錢
大抵浩歌多失志卽教豪興總餘年
辭余後至催詩續應附同聲第三編

崑山弔健菴良仲紀事書懷

晚識徐官贊斯人當代無如何青眼裏猶有白頭儒
家學開風氣文心屬友于門牆方鼎鼎科第且區區
道以求賢廣情惟得士娛居喪寧過戚讀禮未嫌迂
匍匐經秋至衰殘穉子扶未能褻執紼何處展生芻
握手寒暄少登堂涕淚濡高齋留榻久佛剎竝與趨
增每銜悲拜

僧同失侍孤慈親明大法遺囑護浮屠逮養恩難盡崇
封痛豈渝榮光生死備至性弟兄俱名祇爲時羨德偏
與世殊看君增往恫誰不念勞劬懿狀傳家範哀思動
老夫無窮風木恨回首泣啼鳥

同健菴遊靈巖山

遙禮靈巖二十年追隨暢好九秋天湖光偶逗帆時見
梵宇全遮塔早懸一帶新松官禁裏兩株高桂法堂前
琴臺響屐無聲久不用談空更說禪

韓王墓

寺下相傳墓不疑籃輿無路草離披麒麟何處尋高塚

崩頽爭瞻有巨碑宋代園陵無杜宇吳臣勲業付鳩夷
前塵總向空門盡半嶺鐘聲報客知

堯峰上院

堯峰佛院倚山隈磴道盤空上
昔來老叟信心遵付囑
故人乘輿奉追陪平湖極目
粘天動壑石當車拒客迴
若道禪心忘護法搶門爭對
玉峰開

堯峰山下飯王咸中別業

文格公後

王郎雅志在溪山小構參差
三兩間竹裏洗盤存故物
松間移榻識新鯨王新有悼
亡之感廚綠市近隨時辦戶
恃鄰
淳免夜闌却怪海棠花乍白
知君不忍見紅顏

花溪雜詠

園林依北郭，舊是百花溪。
小港移舟進，回廊引步迷。
庭無多竹石，山已足攀躋。
滿壁藏書處，耽吟一叟栖。

橫門開不正，側向稻畦間。
樹杪明孤塔，雲邊識遠山。
儘教遊子住，未許主人閒。
曲折沿塘路，時時送客還。

莫後鄰園壯，安閒此有餘。
本爲詞客構，恰稱史官居。
處處臨水房，房可讀書老。
夫留信宿已，認是吾廬。

花溪古勝地，芳草亦佳名。
園一半舊名芳草園
合并園初大，頻移

山始成，喜多閒。境界慎勿苦經營，一帶軒楹舊存他作

者情

土木亦何限聊加補葺功但爲山作勢須令水皆通匠
意能無巧文心大抵同公肅次耕論與余合
恐山人未必爾也得君親布
置野趣正無窮

憺園

吳苑花溪一郡推家園也覺費心裁階前丘壑居然古
檻外峰巒若爲堆幾處高齋留客住有時支室待僧開
常門小艇沿牆徑何日人非問字來

高居典得未全收布置林巒且自由夜半鶴聲愁近榻
雨中山色好凭樓衰年敢計重遊日客舍偏驚欲暮秋
我在江村臨水住相思來往只扁舟

題孫赤崖祖孫聚樂園

遷客生還似汝稀，虞山不改舊林扉。
看他繞膝孫雛滿，豈比遼東獨鶴歸。

萬里東飛羽翼殘，巢傾何意長鸚鵡。
庭前聚樂渾如夢，晝與思鄉德耀看。

贈潘次耕

松陵才子早知名，握手燕臺氣不平。
未受國恩甘避世，偶談家難爲傷情。
詩篇半是尊前就，史學偷從帳裏成。
顧叟不歸余亦老，江東此事屬潘生。

同次耕集葉九來半齋園

柴扉斜啓逐溪流，小港穿橋一徑幽。
梧葉覆階埋蠟屐，豆花壓架纜漁舟。
疎籬隱映清池雨，老樹陰森大壑秋。
好友論心燒燭短，病餘無量爲堅留。

題徐立齋溪亭小影

石闌無語對溪濱，一片閒情迥出塵。
天上從容黃閣老，世間平易素心人。
順風祇覺三山近，善氣能迎四海春。
最怕與君通夜飲，每從半醉見精神。

寄懷陸翼王六十初度

遊蹤三載聚都門，別緒尊前苦未論。
久混風塵身益健，同爲賓客道偏尊。
詩書漸廢傷時事，歲月將衰重舊恩。

真歎窮經成皓首師家絕學賴君存

既別健菴有作

分手船頭船乍開銷魂遙見黯然回
盈門賓客知難謝徹夜書題特費裁
著述身兼朝野任交遊天授應酬才
桑麻大藥乘時製許爲扶衰早寄來

泊長橋雨中不得晤顧茂倫日號見意

長橋幾度訪君遲又是秋風倚棹時
早戒扁舟防徑過恰逢暮雨失前期
姓名空借篇章重心事遙從筆墨知
我苦蹢躅君伏枕無由一握慰相思

重過湖上述懷

持衡使者舊風流特簡名區挽勝遊遂使湖山爭應接
也知竹箭費搜求霜寒客路楓林晚月滿江城桂樹秋
三十年前壇坫地因君重上兩峰頭

蹢躅無計遠追隨訪舊東來笑獨遲怪我移舟趨閣日
值君攬轡過江時驚心白髮常爲客翹首青雲欲望誰
空有昔年蓮幕約此情早被故人知

數峰閣

杭人祝死
事六君子

層樓澤畔表忠貞檻外澄瀾一片清
浦暮夜悲孤鶴語
胥江秋壯怒潮聲湖山感慨遊人興
祠廟淒涼故國情
二十年來多死事可能盡讓六先生

徐方虎邀同孫岷瞻泛湖至法相寺

寂莫西湖艇朋尊與偶乘耽幽尋野泊僭老命與登兵
後攜無妓官來接有僧兩高山色盡何意更扶藤

過嚴題亭所居

秋氣蕭條客伴疎籃輿特問故人廬高齋虛憶臨池竹
小巷斜穿別圃蔬籬隱雙扉當盡鎖草荒三徑待霜除
知君歸亦無安宅猶勝都門僦屋居

嚴方貽招飲集武林諸老友

司農生計拙御史亦長貧落拓悲遊子經營集故人時
移交祇舊事往話重新執禮殊忘分通家誼特真

武林諸子招飲嚴氏宅

同人亂後各生涯，勝集重尋御史家。
酒勇祇能堅坐看，冷嚴常是罰杯譁。
烏衣競羨人如玉，白髮羞稱筆有花。
耆舊僅存寥落甚，更憐嚴殿助滯京華。

過韶光和黄海岸先生韻

山空策杖響如雷，取次登峰眼漸開。
二十五年重到此，誰知不是後身來。

石筍峰

逐伴攀登石筍峰，蹒跚惟仗一枝筇。
竹間水覓爭分道，湖外江光定幾重。
倦就灌園溪叟坐，行追負朮老僧蹤。

開軒指點看紅葉早聽山搖下界鐘

靈隱宿綠天僧閣同魏子存作

祖庭喧處一廬幽上座邀同老友遊路滑蒼苔惟恃杖
階平紅樹特開樓酒杯燭下僧同把詩料峰前客自收
倘得住山時唱和白蓮社作老堂頭

出山陸鶴田舟中置酒泛湖而歸

寺下官橋湖水通扁舟煙雨泛空濛早陳蔬果供開士
特設肥鮮待老翁到眼漸愁紅葉盡把杯偏讓白頭雄
諸君守戒期成佛我自逍遙道不同

留別吳慶百

吾兄家世素風存坐對湖山獨掩門絕口不談今日事
關心終念舊時恩青氈故物書千卷白首貧交酒一尊
詩律精嚴經學遠老夫別後共誰論

雨中入松江訪家葆劼張豫章卽事有述

東來正值倦遊初買得扁舟一葉如襍被晝眠差健飯
篷窗夜漏怕霜書愁逢驛路船拘盡厭厭見墳園樹砍餘
煙雨茫茫何處去采花溼畔故人廬

弔家葆劼次壁間陸蘭陔韻

朔風吹鴈出江天黃菊丹楓盡黯然握手淚零三徑草
登樓愁鎖九峰煙清秋老友聽歌夜細雨都門惜別年

賴是陳情將母急，卽今無恨白華篇。

潮落潮生候夕陽，六年重到舍人堂。
蘆花風過迎舟白，護草霜餘萎砌黃。
四海交遊悲侃母，一門子姓憶周姜。
當時捧檄爲親喜，此後行藏可更商。

哭徐孝先

閻公子

憶昨相持哭初逢，扶觀歸那知不盡淚。
今又爲君揮嗣子牀前弱，交親戶外稀忠魂。
長已矣，寡母欲誰依。

萬里還鄉志，翻成嘔血疽。
老親猶暴露，孝子竟捐軀。
孝先

葬親源其祖塋爲同，
室所毀不得葬而死。
薄俗遂如此，蒼天何處呼飄零。
遺

稿在尚祕枕中無。

留別張豫章病中

養疾臥林館交游未許閒醫家期固本道士爲開關
病痿術士致其元神自客訝盤餐後僅嗟菜餌怪藜虛
履門上升頗有所見猶念我欲與買舟還

雲間寄瞿壽明

蒼梧往事不堪思淚灑滄江乍見時曾記壘村留少婦
已從燕市識佳兒嗟余疎直備生拙念爾艱難入世奇
寄語虞山霜後樹好留殘葉待新詩

贈陳大匡司訓

楓葉飄殘菊秀初扁舟朝叩廣文廬青溪地僻堪迎養

絳帳官閒好著書家說久無干里鴻盤餐遠厭四頭魚
同翁久客雲間熱峰湖隨空可卜居

過清浦贈周子叔廣文

衰年雅興未全闕避世藏身此一官俸薄且耽鄰壤便
時泥真覺廣文安飄零阜帽傷遲暮寂莫青氈耐歲寒
酒罷豈能忘麗句吳膺歿後與誰看

過崑山值徐健菴諸郎秋薦

崑山玉竝階前樹徐氏兒皆天上麟經學世傳寧有祕
文心胎授不猶人門庭每畏科名盛賓客徒煩頌賀頻
一向聯翩疑失序卽今取次雁行新

翀霄三鳳一時鳴又見諸雛羽翼成濟濟門墻皆上第
翩翩宅相有賢甥功收奕世窮經效報食平生好士情
屈指家聲今昔少祝君無語但持盈

鄧尉山寺

梵宇憑陵水一隅開窗面面領全湖
蓬蓬峯伏作當階岫
小艇輕同泛渚鳧野性從來空浩蕩禪心只合對虛無
高軒坐憶牛頭寺指點長江萬舳舻
牛首去江三十里
僧房開窗皆見

過曾青藜鄧尉村居

鄧尉溪邊霜月新
喬居大抵是遺民
可憐徐孺能推宅
且喜姜肱恰比鄰
謂姜
肱熟有錢更作主
花開不約代

留賓水榭已過梅無信辜負蹢躅策杖人

花谿贈徐果亭

玉山再到昔相左却向花谿聚一堂倦客情偏淡臭味
成名王未釋篇章不齋祇覺蔬盤美無疾時聞藥椀香
怪我平生忘禮法弟兄爭愛老夫狂

顧伊人以尊公麟士先生織簾圖見示索和原

韻

開卷見茅屋先生此閉關同心幾白首吾道在青山歲
月窮經過門庭避世閒祇今簾外月猶照讀書顏

酬石濂大師

窮途相見早相親
天界威光藉汝新
絕技滿身通不礙
新詩落筆喜無塵
能傾衣鉢成師志
慣作丹青救客貧
煨炒寫真誰乞得
雨中偏貌白頭人

戊午暮春懷廬有作

絕頂茅茨願始成
讀書爲喜懶先營
開窗下榻驅雲氣
放澗穿牆聽水聲
濁酒三杯身斗健
方牀一覺夢都清
老夫坐久難歸去
況是春鳩喚雨鳴

逐伴攀躋錯路賒
爲鄰剛得兩田家
午餘臥起裘堪御
飯罷吟成杖儘擎
近窺筍穿呼作饌
當階木過就烹茶
春來虎迹沿牆少
見說牛闌夜不遮

莫笑蹢躅杖不前更凭僮穉上峰顛
青天浩浩排晴嶺白水條條破遠田
萬古江平誰見浪千家市伏不生煙
衰殘肯倦登臨興回首同遊又五年

過龍泉菴

自傷衰病逐年催又向峰頭策杖來
乘興偶然逢院入非時何意遇花開
春盡矣值牡丹盛開院中乳色供新茗
石上錢紋綴古苔龍井有泉尋不見
拊闌惆悵別僧回

題履實僧繪

把茅蓋頂任風吹折脚鐺邊錢日飢
今日却歸無縫罅人間少箇住山師

雪夜寄方有懷

雪裏閉門早遙憐白鹿莊山昏增嶺勢澤凍認湖光臘
酒淡房窄遺書復壁藏把來同過夜一卷一呼觴

贈醫士

此翁學道者生事一青囊市服廣醫談書傳弟子藏彈
琴通院靜張藥對樓香惟有山居客時來乞祕方

補哭方還山詩

曾向溪頭哭總帷酸心難賦哭君詩行藏不礙同門學
情性通于早歲知家事赤貧遊宦後篇章暴富暮年時
人生七十寧嫌死死在窮途更可悲

漢庭一第苦蹉跎空向文場費揣摩亂日功名都小草
老年心事付高歌連篇立就常疑速佳句須傳不在多
料是象賢難割愛老夫翻定意如何

贈董期公

市隱無來往尋君策杖頻智子謀食短人但讀書貧徒
宅甘窮巷留田養寡親講堂荒已久慎勿負先民

過龍山龍氏外家

小蹊崎嶇日易昏萬峰環處古煙村兵烽掃地偏留屋
虎迹沿牆不閉門避亂全家山足恃充田有硯產常存
白頭諸舅凋零盡纔見龍翁幾弟兄

田間詩集卷第二十三

客隱集 起己未止辛酉

泊齊門重尋花谿

停舟偷得入林閒，布置更新喜再攀。
似有徑通妨石斷，頻安橋過爲溪環。
高軒碧映階前壑，小閣青浮郭外山。
客自來遊主自去，池邊常鎖兩三間。

己未暮春客崑山諸勿菴招同徐健菴立齋及

雲間諸子遊九峰詩以紀勝

名山勝集暮春天，老去招攜有二賢。
岸上久遲高士屐，橋頭爭到故人船。
廚香出院新燒筍，椀碧當軒細品泉。

清風院

清風院本為方禹脩郡伯建

老友居然忠孝祠

祠供李素峨暨令子舒章

石斷有谿施略約崖回無路破柴籬凭軒絕壁流泉細

引入當年種藕池

竟日追攀興未休奈山重集昨宵舟

是日潘孩士董少權為主人

時賓客開尊候趁夜園林秉燭遊

秉燭遊王愛看黃冠印周園

傾斗酒

道士曹耕雲雄飲

喜同白髮話風流

得仲與余皆白首而與過之

余詩思隨年減此會如何少倡酬

又一首望小崑山哭夏考功瑗公口號

泖湖碧映小崑山牛屋三家住此間亂日占烽頻造榻

淡宵炳燭自開關

乙酉八月朔夜過公居自出啓同時關相持痛哭指泖水誓死而已

報國心偏苦，決志沈淵意。轉聞此事讓，君成獨往可堪。
令子更追攀。謂存古

到雲間哭蔣粉中祕

別爾纔經歲，門庭異昔時。去妻還入室，愛妾已辭帷。閣
罷調歌管，筵虛闕小詞。吹簫僮不見，應是擇人隨。
佛法吾難信，君真乘願來。前身曾見性，出世特多才。司
寇門庭大，茸城風氣閑。親恩纔報畢，容易掉頭回。

宿徐鹿公村居題壁

徐孺聲名久，相尋傍墓田。救人頻破產，結客諱無錢。失
藥從兒病，營炊有婦賢。虛房留竹榻，我亦一宵眠。

徐敬思催妝詩

燭導花迎寶扇開
鸞車初下彩雲堆
夜淡解帶休驚避
共縮同心天上來

金蟬鈿雀擁星橋
天上人間是此宵
爲語笙歌休鼎沸
鳳樓高處正吹簫

徐郎點筆擅風流
畫就雙蛾迥自羞
借問侍兒誰得似
簾前新月玉蜂頭

奩閣裁來五色箋
新詩先乞定情篇
也知東海蓬萊客
此是蓬萊最小仙

同顧伊人過馬殿
聞園居小飲

纔返九峰擢同尋太史虛喜無多布置轉覺自蕭疎窗
宿孤吟客牀堆舊讀書看君閒亦得金馬與何如
憶別風塵日艱難髮總華那知燕市酒重集季常家詩
思閒來進談鋒老去差一軒臨水坐還擬看荷花

題顧伊人桃源圖

桃源莫道津難問便可移家不勸君愁煞此中孤陋甚
但言漢事卽新聞

過馮瑞五小飲分得四支

幽人不出戶吾亦訪君遲巷僻草無徑門開花滿籬衣
冠逃世古道德著書知麴蘖何年斷猶憐不廢詩

午日同陸漢標張壽民徐敬思及兒輩登藏書

樓

崑山太史藏書閣令節相扶醉後登搔首天空容嘯傲
凭闌風起欲飛騰方池匝戶清堪濯寶塔當窗勢可凌
笑我老爲東海客也教身在最高層

立齋學士招同祝子堅吳脩齡然雲閣作

礪道逶迤上閣遲開尊暢好夕陽時窗臨野圃連荒郭
地接鄰耕限短籬林際增標山入畫燈前客聚鬢如絲
謝公自是難堅臥待看荷花放滿池

立齋得樹園雜詠

危崖曲徑一軒藏
雜樹繁陰過短牆
野老上階荒草破
園丁卷幔芰荷香
魚浮水面吹花戲
鶴過橋邊讓客忙
乍到自然芳氣烈
詩人休後柏爲梁
貞木亭。亭以柏爲之。
高軒面面映簾空
身擁圖書萬綠中
怪石竹邊幽徑轉
曲池荷外小橋通
閒階緩步青田鶴
半醉狂吟阜帽翁
老樹不知何代物
正當朱夏起清風

漱茗堂

又二首

古樟前代樹老
榦正蕭森自得高
賢惜能添滿院陰
林間容宴坐石上
待孤吟時有輕風
至異香何處尋
怪石遮門立
尋梯忽有樓林
巖立剗看煙雨
此全收曲

水圓荷散朱闌綠樹浮四窗斜見掩知在玉峰頭

苗閣

酬賈均道積留仙書齋

俞俞軒

夜雨留高館扶策一徑除苔痕綠石滑燭影過橋斜酒醒故園夢香吹老樹花不知芸閣臥還擬宿山家

題健菴傳是樓

太史藏書處高樓四望開人如瑤島聚窗擁玉峰來漫後縹緗富還憐子弟才無勞祕石室光已燭三台

健菴避客李氏園期余過話余方有歸與之興

詩以見意

避客知何地私期老友尋板橋無雨滑竹院未秋陰涼

起銜杯興幽生講易心自嗟歸思切空羨此山溪

飲果亭培林堂

一徑穿橋入幽居小院寬所求容贖詠非爲事遊觀佳
石選堪坐好書讀不完到來無俗客長得接清歡
應門無假報慣識老夫來戶以溫經閉顏初見客開扶
衰爲合藥得伴卽銜杯但是夜分醉籃輿送我回

同吳園次諸子集葉九來半蘭園分韻

吟壇幾見髮蕭蕭且喜論心未寂寥荷葉出籬初過礪
樹根支石藉安橋浮名興到山窗盡旅客愁逢酒伴消
爭似庭前雙白鶴自來白去不須招

馬密齋招同諸子看荷花分韻

小閣釣簾面曲池開尊爲趁藕花時葉藏浣女淡難見
香襲園丁久不知暢好納涼偏費酒爭先逃席畏催詩
老年心事多憐惜肯向風前折一枝

顧伊人贈詩述虞山知己之誼漫和見意

虞山學海冠江東一代篇章算此翁筆有珠璣隨意給
興逢佳麗屬詞工春風自喜花間蝶夜雨偏哀草際蟲
見爾贈言增感慨論詩終未敢雷同

虞山瞿氏春暉園感懷

相公林屋面清溪草色苔斑憶杖藜往事幾人聞鶴語

舊遊千古付，猿啼讀書榻。在窗猶閉和韻詩，殘壁更題
回首桂林酬倡日，夢魂常到粵山西。

難後園亭半已虛，何年初葺郭西廬。家聲健羨千秋後，
人世牢愁廿載餘。令子天南收碧血，支孫階下課遺書。
鹿門倡和題牆遍，吟罷傷心痛未除。

借隱相憐道不孤，閉門惟賴卷篇娛。詩成雨夜酬夫子，
淚染春山哭舅姑。點筆應知琴瑟暇，與懷祇覺性情殊。
近來詞苑推闡彥，似此清吟及得無。

梧江聞難苦相催，送爾西奔萬壑哀。瘴嶺好留忠孝種，
芒屨真見亂離才。鳳池容向蠻鄉老，馬革屍從虎穴回。

誰料虞山巢破後門庭重啓故人來

過拂水山莊有感

虞山無復舊林泉草沒空堂故歸然絕碣坐悲臨水日
長廊行憶詠詩年半生出處滋多議一代文章定許傳
贏得愛姬同城殘淒涼長伴夕陽天

過道王宅

幽懷真覺世情疎松竹陰中晝掩廬淡巷客來苔埽後
閉窗詩就茗香初鼎彝自識無名款卷軸多藏未見書
我老窮經思借讀何緣得近子雲居

得樹園六月梨花

世界熱如此孤花自吐芳不爭桃李豔且逐菱荷香冷
覺炎威失幽生靜夜光開軒高臥見添入北窗涼

一枝通院白臨水故溶溶素質清朱夏冰心映玉峰熏
風吹只澹仙露裏偏濃鶯燕空相憶非時何處逢

七夕同祝子堅吳修齡徐崧之健菴集果亭宅

話別時久旱得雨

一雨人心定涼生滿院秋影斜微月澹霄淨絳河流移
席滅紅燭滅杯勸白頭坐客皆老翁不能飲夜淡詢往事忘話別

離愁

吳市遇張穆之

嶺海頻翻覆于卿了不關生涯資賣畫願力徧尋山入
市衣冠古隨時去住閒相逢各相訝依舊此人間

牛塘寺晤澹歸禪師率作

昔別是何歲居然老古錐機鋒移說法戲謔且成詩衲
自施來破齋隨請不辭同時餘爾我詔舊幾人知

九子峰歌爲喻武公太守侑觴

時庚申五
月五日

天下峰無九華秀排空岬岬崿寒清畫上有九子峰更高
九十九峰爲列岫九子之下大江橫返照過江山更明
但是清秋逢霧淨每思春雨望雲生老夫住近長江側
朝朝暮暮見山色山中紫氣隔江浮知有仙人尋不得

使君名在剡仙班郡閣蕭然山水間簾卷煙雲廳事啓
坐聯詞客印牀閒花陰犬吠吏人少訟庭剩長春來草
蕭統讀書浪得名杜牧風流何足道老夫昨夜扁舟來
葑蒲酒碧滿坡開恰好佳辰逢令節家家競舉長命杯
遙指九子爲君壽九十九峰皆頰首使君飲量夫何如
一峰爲勸一杯酒

渡江寄嘉樹

石路荒亭細雨催思家爲趁北風回舟藏港內人私覓
官方水浸籬根店且開遠樹遙知分汛近孤篷愁煞剪
江來料若未審曾登岸猶聽狂飈幾度猜

過孔城宿黃元實寓却贈

孔城近是衝繁地宅枕橋頭是爾家有榻不眠頻讓客
過門相識必停車閒行自得郊原趣厭坐難聽市井譁
生計總教兒輩理私泥小竈獨煎茶

樟樹鎮舟中七十初度 辛酉

壽昌橋下生還日

是年四十四

燕子磯前花甲年

是年六十六

此日停

舟樟樹鎮託人爲買上灘船

慧力寺贈自之禪師

近郭名監容易尋吾師重啓舊叢林寺臨官道千年古
門對江流五月淡兵火不驚占定力應酬無礙見禪心

漫嗟夾路松風息雜樹猶餘滿院陰

往自郭至寺皆松夾路郡人號為慧

力松風
今盡矣

烽煙滿路錫初停辛苦披衣為祖庭塵俗不離心自淨

語言未示法先聆四方鼎沸容鐘板育丈遺規見典型

却憶梅山栖隱好水邊林下戶空扃無有精舍在梅山是子真舊隱處

紫芝亭遇雨不得下

午上孤亭眼未開狂飈卷雨四山來樓頭僧出遙招手

觀面無山接引回

贈曹起幽

與起幽別十二載辛酉夏五相晤慧力寺余以今年七十起幽亦六十矣

作詩
預報

鄂渚別來十二載萍蹤又聚瑞筠山信陵賓客貧仍集
顏遠才華老未慳旅興定因荒郡減談鋒豈礙鬢毛斑
君纔六十吾七十五岳遊回正好閒

答天寧寺次尼備韻

昔年高會武昌城又聚臨江感慨生久客爲遲殘暑過
不眠長聽遠鐘鳴酒緣病減狂仍在詩覺腸枯句懶成
老去時流相識少殷勤還賴舊交情

天寧寺七夕分得期字

梧桐一葉動鄉思況是銀河鵲渡時良夜把杯難禁酒
故人分韻強成詩聽更祇怪僧居逼買棹真愁客去遲

羨殺牽牛曾不老年年此夕是佳期

顧母陳太君七十尼備索詩

顧子別我十年餘年年爲客向江湖前年蹤迹滯山左
手裁長句遙寄我去年壽母徧徵詩云無老在詩不可
聞君對策留京師正值羣儒待詔時鴻詞博學夙所擅
掉頭不顧意何居爲君者多勸君止白雲笑向吳天指
媿爾有母壽七旬承歡在此不在彼以茲交親爭謝絕
叱寒南來留不得伯都賦詩侑母觴頌子得詩喜動色
母方倚闥君已歸稱詩上壽願無違誰敢萎捧毛牛撥
珠爛日著萊子衣噫嘻古人養親養志耳區區豚養何

足齒君之母氏志在斯如君養者真孝矣

以所著詩子易學示魏青城

屈指論交四十年白頭別得幾人憐我猶爲客真無賴
君更出山亦偶然半世詩名應浪竊一生經學且成編
故人肯教微言絕何計流行今早傳

暑夜與潤山僧閒坐有作

一寺惟餘此地涼僧閒伴我話長廊但窺佛法談諧得
不用披衣上講堂

別魏青城觀察

平生傲世老難馴自小論心爾最真學道早知遊宦倦

多情偏苦舊交貧，青山無計成安隱。白首重來累故人，此後餘生能幾面。一回分手一傷神。

泊鹿渚同左子直舟中作

歸帆苦被北風留，臥聽濤驚八月秋。市隱漫勞遊子屐，訪黃嘉鄉江墮知到故人舟。子存夜至亦未晤閒談在事餘清夢省，識同時是自頭共慶暮年能。作客莫將兒女自添愁。

守風樟樹鎮

鹿渚淹吾棹，風濤不可前。市通南粵貨，光聚下江船。鳴角官齊濟，聯情客盡眠。青林柑子樹，簇簇起寒煙。風平初起候，乘夜駐江心。舟重防沙淺，篙長試水深。月

纔窺嶺墜盡只傍舷吟驛路喧鏡吹更夫自古今

兵烽銷不久民物甫能康榜客充邊調漁船辨婦妝

漁船

以婦人妝辨文郭二家

年豐憂識驗穀賤識農傷聞道雲中郡傾

儲莫賑荒

閩淺朝舟子

沙淺時時閩舟行太苦幸漫灘尋路失滅載換船頗力

盡徒噴忙謀窮但許神終朝相罵詈買募下灘人

豐城守灘酬河神

舟人以慢神致責陳詩謝之

江湖常浪跡未解媚神明河路改難認舟航淺不行勞

應哀榜客慢豈責書生詩句臨灘訴聊陳悔過情

魚蛾

紛紛飛絮白勢比赴燈蛾點水露難起隨流逐更多
鴛鴦烈燄何意樂淇波物小羣生命甘心死奈何

楊機部先生

部人詩從祀鄉賢魏青城使君詢其本末於余重之也因作詩答之

營孤臺畔暗風塵相國登城誓死頻家室盡捐餘
稊子艱危流涕託門人一傳竟絕孤臣後繼世難求五服親
合鄰請空從祀典同時俎豆恐非倫

易舟東下再提

已棄遠來舟易片又彼留官無情可聽吏用賄難求對
月不眠苦占風獨坐愁焦思添白髮吾已雪盈頭

阻風憶左壯子及兒子禡祿後舟不至

北風連日夕逆浪駭孤舟上水帆皆落漁家網亦收數
錢魚不賣過渡酒難謀二子還留後愁心挂兩頭

夜泊左蠡望子直不至

左蠡沙爲岸廬峰對面開避風爭港進賣酒過湖來伴
失沿途候帆遲望影猜日斜檣欲盡應泊渚磯隈

吳城令公廟

津市炊煙暗碧岑令公祠廟類江潯孤城百戰威猶在
半壁千年祀至今血食儘酬商賈願好生誰識鬼神心
風塵橫箔聲悲壯臥起筵窗對月吟